

جریدہ علمیہ

مشخت جلیلہ اسلامیہ نمک جریدہ رسیہ سیدر

ربیع الآخر ۱۳۴۳

عدد: ۱۰

آیدہ بر نشر اول نور

ایکونجی سنہ

« بيانامة هيايونك ترجمة عريسي »

اولادى المصريين

لقد اصبح الناس كافة يعلمون كيف احتل الانكليز مصر بمكرهم وكيف توسلوا بأساليب من ختلهم وحيلهم الى ادخالها في حكمهم وقد كان السكوت مختاراً تجاه هذا البنى والعدوان انتظاراً للمناسب من الاوان ولكن لم يغب قط عن نظرى ولا ابتعد قط عن شفقتى ما أتم فيه من العذاب وحرقة الاكباد وقد أتاح الله أن أسوق جيشاً من جيوشى لتخليص مصر الجميلة الكثيرة البركات فالحمد لله على هذه المنة الجليلة والفرصة الجميلة ان ثقتى عظيمة بأن جيشى المظفر سيخلص بحوله تعالى وتوفيقه بلادكم من نفوذ الاجنبى ويعيد اليكم حريتكم وادارتكم الممتازة ويقينى أن اولادى المصريين ستدعوهم حيتهم الى الاشتراك بهذا الجهاد المقدس نصر من الله وفتح قريب



فتاوى شريفة

وضوء :

يارهسى اولوب معذور اولان زيد يارهسى آجوب سيلوب نسنه ائماز ايكن آبدست آلوب آقدين مستلرين كيسه مستلرى اوزرينه مسح جائز اولورمى الجواب : اولور .

*

بركسنه ابدستده لحيه نك ربعه مسح فرضدر ديو اعتقاد ايدوب دائما ابدستده ربع لحيه مسح ايله اول كمنه نك فقها نك ترجيحلى خلاقه بوروايتى اعتقاد وبلا ضرورة بونكله عمل ايتمى جائز اولورمى الجواب : اولماز .

*

**

صلات :

زيد ايكندى ويا تسو نماز لرينك فرضندن اول اولان سنلرينى قيلمق مراد ايتدكده هم قضا هم سنه نيت ايتيوب انجق سنه نيت ايتمك لازمه اولورمى الجواب : اولور

*

**

سنن معروفه وصلات فضي وصلات تسبيح وحقنده اخبار روايت اولنان صلواتدن ماعدا نوافل ايله اشتغالدن قضاء فوائت اولى واهم اولورمى الجواب : اولور .

*

**

زید قنی وقتك صلات فائتہسی اولدیغنی بیلیرسه آنی تعیین ایدرك بیلمزسه اوزریمه اذاسی فرض اولوب قضایه قالان وقضاسی میسر اولیان مثلاً اول صلات ظہری یاخود آخر صلات ظہری دیهرك نماز قیلغه نیت ایتك لازم اولورمی الجواب : اولور.

*
**

وطنیدن مدت سفر بعید محلہ عزیمت ایدن افراد عسکریه نك نازل اولدقلری محله اقامتہ نیت ایتلری صحیح اولیوب آمرلری بولنان قوماندان اقامتہ صالح بر محله اقامتہ نیت ایدرسه آنلرده مقیم نیت ایتمزسه آنلرده مسافر اولورلری الجواب : اولور.

*
**

عساكر اسلامیه دن بلده لرنده مقیم بولوب مسافرین اولان عساكره التحاق ایدنلر سفره نیت ایدوب عمرانات بلده دن چیقماقجه مسافر اولورلری الجواب : اولور.

*
**

زید معین بر فرض و نافله نمازلری قیلغه بزدن نیت ایلوب معاقبله نافله بی قیلش اولیوب یالکز فرضی قیلش اولورمی الجواب : اولور.

*
**

مسافر اولان زیدك مقیم اولان امامه وقت ایچنده اقتداسی صحیح اولوب زیده اتمام صلاة لازم اولورمی الجواب : اولور.

*
**

برقریه نك خلقی کثیر اولوب اکبر مسجد لرینه جماعتی صیغیشماسه اهالی قریه دن زید اول مسجدی جامع ایتدکده دروننده صلوة جمعه وعیدین اقامتی اذن سلطانی صدورینه متوقف اولورمی الجواب : اولور.

*
**

زیدك زوجہ سی هنددن متولد اوغلی عمرو زیدك زوجہ اخراسی زینك زوج آخردن متولد قزی خدیجه بی تزوج ایتك جائز اولورمی الجواب : اولور.

*
**

تبعه دولت علیه اسلامیه دن زید غیر مسلمك بالغه قزی هند نصرانیه نفسی شهود
محضر لرنده مهر مثلیله عمرو مسلمه تزویج ایله زید اذنم بولنمادی دیو عقد مزبوری
فسخه قادر اولورمی الجواب : اولماز .

*
*
*
زید ذات حیض اولان زوجه مدخول بهاسی هندی باینآ تطلیق ایتد کد نصکره التمش
کون تمامنده هند نفسی عمروه تزویج مراد ایتد کده اوچ حیض کوروب عدم مقضیه
اولدی دیسه عمرو هنده اینانجیق هندی تزوج ایتك جائز اولورمی الجواب : اولور .

*
*
*
هند بالغه نفسی مهر مثلیله کفوی زیده تزویج ایله هندك باباسی عمرو اذنم بولنمادی
دیو عقد مزبوری فسخه قادر اولورمی الجواب : اولماز .

*
*
*
زید ام ولدی هندی اعتاق ایتدین شو قدر اچه مهر تسمیه سیله تزوج ایتد کد نصکره
زید فوت اولسه هند عقد مزبورده بناء ترکه سندن مهر و حصه نامنه نسه آلمغه قادره اولورمی
الجواب : اولماز .

*
*
رضاع :
هند زیدی مدت رضاعده ارضاع ایله زید هندك اوغلك قزی زینبی تزوج ایتك
جائز اولورمی الجواب : اولماز .

*
*
زید هندی تزوج ایتك مراد ایتد کده زینب زید وهند رضاعاً قرنداشلردر دیو
خبر ووروب لکن زینب عدل وثقه اولمیوب زید وهند زینبی تکذیب ایله لر زید هندی
تزوج ایتك جائز اولورمی الجواب : اولور .

*
*
ایکی یاشنی تجاوزله یکرمی الی ایلق اولان هند صغیرمی زیدك والدہ سی زینب ارضاع
ایله زید هندی تزوج ایتك جائز اولورمی الجواب : اولور .

طلاق :

زید آخر دیارہ کیتدکده زوجہسی ہندہ معنون و مرسوم مکتوب یازوب مکتوبندہ
«بندن بوش اول» دیو تحریر و مکتوبی ہندہ ارسال ایلسہ ہند بوش اولورمی الجواب :

اولور .

*
**

زید زوجہ مدخول بہاسی ہندہ «بوش اول» دیسہ طلاق اخیر اولما یحق زید ہندہ
عدتی ایچندہ مراجعت ایدوب تجدید نکاح ایتمدن ہندایلہ ازواج معاملہ سنہ قادر اولورمی

الجواب : اولور .

*
**

زید زوجہسی ہندی طلاق ثلاثہ ایلہ تطلیق ایلدیکنہ برشاہد عادل ہندک حضورندہ
شہادت ایتدکده ہندک زیدہ نفسی تمکینی حلال اولورمی الجواب : اولماز .

*
**

زید مسلم العیاذ باللہ مرتد اولسہ زوجہسی ہند باین اولورمی الجواب : اولور .

*
**

«ارادتک الکده اولسون» دیمک امرک بیدک مغاسنہ متعارف اولیوب طلاق زوجہدہ
متعارف اولان بلدہ اہالیسندن زید مذاکرہ طلاق اتناسندہ زوجہسی ہندہ «ارادتک
الکده اولسون» دیسہ ہند زیددن باین طلاق بوش اولورمی الجواب : اولور .

بوصورتہ زیدک طلاق نیتی یاخود ہندک اول مجلسدہ نفسی تطلیقی لازم اولورمی

الجواب : اولماز .

*
**

حضانہ :

ہند زوج مطلق زیددن اولان ولد صغیرینی بحق الحضانہ امساک اوزرہ ایکن زیدولد
مزبورہ احیاناً کلوب کورمک ایستدکده ہند زیدی ولدینی کورمکدن منع قادرہ اولورمی

الجواب : اولماز .

*
**

هند زوج مطلقى زیددن اولان صغیر اوغلی عمرو ایله صغیره قیزی زینبی بحق الحضانة امساك اوزره ایکن عمرو یدی یاشنی تکمیل ایتمکله استغنا حاصل اولوب زینب دخی طقوز یاشنی تکمیل ایدوب مشتهاء اولسه زید عمرو و زینبی هنددن المغه قادر اولورمی
الجواب : اولور .

*
**

هند زوج مطلقى زیددن اولان صغیره قیزی زینبی بحق الحضانة تربیه اوزره ایکن زینب طقوز یاشنی تکمیل ایدوب مشتهاء اولسه زید زینبی هنددن المغه قادر اولورمی
الجواب : اولور .

*
**

هند زوج مطلقى زیددن اولان صغیر اوغلی عمروی بحق الحضانة امساك اوزره ایکن عمرو یدی یاشنی تکمیل ایدوب استغنا حاصل اولسه زید عمروی هنددن المغه قادر اولورمی الجواب : اولور .

*
**

درد بش یاشنده اولان هند صغیره بی اناسی زینب بحق الحضانة تربیه اوزره ایکن زینبدن حق حضانه ساقط اولمدين هندك باباسی زید هدی زینبدن المغه قادر اولورمی
الجواب : اولماز .

*
**

هند صغیره نك حق حضانه سی باباسی زیدك اولیوب لابوین خاله سی زینبك اولورمی
الجواب : اولور .

*
**

هند صغیره نك حاضنه سی اناسك اناسی زینب نفسی صغیره بی اجنبی بی تزویج ایله صغیره نك زینبدن غیرى نسواندن انحق لابوین خاله سی خدیجه موجوده اولمقله خدیجه صغیره بی زینبدن الوب تربیه و امساك قادره اولورمی الجواب : اولور .

*
**

نَفَقَه :

هند صغيره موسره نك نفقهسى باباسى زيد اوزرينه لازمه اوليوب كندى مالتدن
لازمه اولورمى الجواب : اولور .

*
* *

هند معسره نك زوجى زيددخى معسر اولوب هندك لاب ارقرنداشى عمرو موسرايله
لابوين عمى بكر موسردن غيرى كمسهسى اولماسه يالكز عمرو زيده رجوع ايتك اوزره
هندى اتفاقه مجبور اولورمى الجواب : اولور .

*
* *

زيد زوجهى هندى بلا نفقه براغوب آخردياره كتمكه هند قاضيه واروب زيد
اوزرينه كندويه قدر معروف يوى شوقدر اچه نفقه تقدير ايتديروب واستدانه يه اذن
آلوب بر مدت استدانه ايله كچندكدن بكره نفقه مستدانه يي المدين هند فوت اولسه
سأوروته نفقه مستدانه حصه لرينى زيددن المنه قادر اولورلرمى الجواب : اولور .

*
* *

زوجى اوليان هند فقيره نك لابوين ارقرنداشى زيد موسردن غيرى كمسهسى اولماسه
هندك نفقهسى زيد اوزرينه لازمه اولورمى الجواب : اولور .

*
* *

هند معسره نك زوجى زيددخى معسر اولدقده هندك زوج آخردن اولان اوغلى
عمرو موسر اوزرينه نفقهسى لازمه اولورمى الجواب : اولور .
بوصورتده بعدذا زيد موسر اولدقده عمرو نفقه يه اولان مصروفيله زيده رجوعه
قادر اولورمى الجواب : اولور .

*
* *

هند صغيره نك اناسنك اناسى وحاضهسى زينب هندايچون باباسى زيد اوزرينه حاكمه
يوى شوقدر اچه نفقه تقدير ايتديروب واستدانه يه اذن حجتى آلوب لكن زينب استدانه
ايتيوب هند زينبك نفسيچون طبع ايتديكى طعامدن زينبك ابا حسيله بر مدت زينب ايله

اڪل ايلسه زينب مجرد نفقه تقدير ايتديردم ديونفقه مقدره يي زيددن آلمغه قادره اولورمى
الجواب : اولماز .

*
**

وصيت :

زيد جمله مالنى بر جهته وصيت ايتدكدن صكره مصرأ فوت اوله ورهسى ثلثدن
زياده ده وصيتى طوتماغه قادر اولورلمى الجواب : اولورلر .

*
**

ارث :

تبعه اجنيهدن اولان قسطنى فوت اولوب ينه تبعه مرقومه دن اولان انجق لايون
ارقرنداشى ياني يي ترك ايتدكده ياني قسطنك تركه سنى احرازه قادر اولورمى الجواب :
اولور .

بوصورتده قسطنك تبعه دولتليه اسلاميه دن اولان قرنداشى دخى قسطنى يه وارث
اولورمى الجواب : اولماز .

*
**

زيد فوت اولوب انجق لايون خاله سى قزى هندى ترك ايتدكده هند تركه زيدى
احرازه قادره اولورمى الجواب : اولور .

*
**

هند فوت اولوب انجق زوجى زيدى ترك ايتدكده تركه هندك نصفى زيده ويريلوب
نصف آخرى بيت الماله وضع اولتمق لازم اولورمى الجواب : اولور .

*
**

مديونا فوت اولان زيدك ديوتنى ادا تركه سنى بين الورثه قسمت اوزرينه مقدم اولورمى

*
**

الجواب : اولور .

هند غنيه فوت اولدقده تجهيز و تكفينى كندى مالندن لازم اوليوب زوجى زيده

لازم اولورمى الجواب : اولور .

*
**

زید زوجہ سی ہندی باینا تطلق ایتدکن صکرہ عدتی ایچدہ ہند فوت اولسہ زید
ہندہ وارث اولورمی الجواب : اولماز .

*
*
زید ہندی شو مقولہ شوقدر اثواب مہر معجل تسمیہ سیلہ تزوج ایتدکن صکرہ
ویرمدین ہند فوت اولسہ ہندک سائر ورثہ سی اثواب مرقومہ نک وسطلرندن یاخود
وسطلرینک قیملرندن حصہ لرینی زیددن المنہ قادر اولورلرمی الجواب : اولورلر .

*
*
زید صحتندہ زوجہ مدخول بہاسی ہندی تطلق ایدوب ہندک عدتی متقضیہ اولدقندن
صکرہ زید فوت اولسہ ہند زیدہ وارثہ اولورمی الجواب : اولماز .

*
*
وقف :
بروقفک متولسی زید معزول اولوب یرینہ عمرو متولی اولدقنصکرہ زید زمان
تولتندہ وقفک مرمتہ مالندن شوقدر اچہ صرف ایدوب لکن مال وقفہ رجوعنی شرط
ایتمایجک زید مصروفنی مال وقفدن آلمنہ قادر اولورمی الجواب : اولماز .

*
*
بروقفک غلہ سی قدیمدن بر جہتہ صرف اولنورکن حالا متولی مصرف قدیمی تغیر
ایدوب غلہ مزبورہنی جہتہ اخرایہ صرفہ قادر اولورمی الجواب : اولماز .

*
*
بروقفک مشروطیت اوزرہ متولسی اولان زیدک عزلنی موجب حالی یوغیکن حاکم
زیدی عزل ایدوب تولیتی اجنبیہ توجیہ قادر اولورمی الجواب : اولماز .

*
*
بروقفک متولسی زید غلہ وقفہ رجوع شرطیلہ کندی مالندن وقف مزبورک
مرتزقہ سنہ وظیفہ لرچون شوقدر اچہ ویرسہ زید مبلغ مزبور ایلہ غلہ وقفہ رجوعہ
قادر اولورمی الجواب : اولور .

زید بالا جارتین متصرف اولدینی عقاری وجوه بره وصیت ایلسه صحیح اولورمی
الجواب : اولماز .

*

**

زید تحت اجاره سنده اولان وقف عقاری برجهته وقف ایلسه وقف مزبور صحیح
اولورمی الجواب : اولماز .

*

**

اجاره :

زید شو قدر قیونلرینی عمروه «فروعی یاری یه اولمق اوزره مرعاده اوتلات کوزت»
دیو تسلیم ایتد کدنصرکه عمرو قیونلری مرعاده اوتلادوب کوزم دوب شو قدر فروع
حاصله اولسه زید عمروه اجر مثلی و یروب قیونلری وجمله فروعی عمرودن آلمغه قادر
اولورمی الجواب : اولور .

*

**

زید شو قدر اشیانی زوجہ سی هندہ هه وسلم ایتد کدنصرکه زید هندی تطلیق
ایلسه زید نادم اولوب هه سندن رجوعه قادر اولورمی الجواب : اولماز .

*

**

هند قابل قسمت اولان منزلك نصفی شایعاً زوجی زیده هه وشایعاً تسلیم ایلسه
هه مزبوره صحیحه وتامه اولورمی الجواب : اولماز .

*

**

زید یری ارض میری و کرومی ملکی اولان باغلك یری اذن صاحب ارضه زوجہ سی
هندہ فراغ ایتدین کرومی هندہ هه و تسلیم ایتد کدنصرکه زید فوت اولسه سائر
ورثہ سی اول کرومی میراثه ادخاله قادر اولورلری الجواب : اولورلر .

*

**

زید قابل قسمت اولان ملك باغچه سی زوجہ سی هندہ و کیره قزی زینہ هر برینک
حصه سی افراز وتعیین ایتدین شایعاً هه وشایعاً تسلیم ایلسه هه مزبوره صحیحه وتامه
اولورمی الجواب : اولماز .

امر :

زید هندك امرنسر كندی مالندن شو قدر اچقه صرف ایدوب برمدت هندی اتفاق ایتدكدنصره زید فوت اولسه ورتهسی مجرد زید سنی اتفاق ایلدی دیو نفقه بها نامه هندن نسه آلفه قادر اولورلری الجواب : اولمازلر .

*
* *

دعوی :

زید قز قرنداشی هندك یدنده اولان منزل ایچون هندك ملکیدر بنم علاقه یوقدر دیو اقرار ایدوب بعدم هند فوت اولدقده زید اول منزلی اقرار مزبوردن مقدم ملکی اولق اوزره هندك ورتهسندن دعوی ایله مسوعه اولورلی الجواب : اولمازلر .
بوصورتده زید اقرار مزبوردنصره منزل مذکوری برجهته وقف ایله وقف مزبور صحیح اولورلی الجواب : اولمازلر .

*
* *

زید برخصوصی عمرودن دعوی وعمرو انکار ایتدکده « زید بکر و بشردن بشقه شاهدلرم یوقدر » دیدکدنصره مزبورلرخصوص مزبورحقنده ادای شهادت ایدمه ماسه لر « زیدبشقه شاهدلرم واردر » دیواستشهاد مراد ایتدکده استماع جائز اولورلی الجواب : اولمازلر .

*
* *

زید فوت اولوب ترکه سنی لایون ار قرنداشی عمرو قبض ایتدکدنصره بکر ظهور ایدوب « بن زیدك اوغلی وجصرأ وارثیم » دیو دعوی وعمرو انکار ایدوب بکر مدعاسنی وجه شرعی اوزره اثبات ایدیجك ترکه زیدی عمروك یدندن آلفه قادر اولورلی الجواب :

*
* *

اولور .

زید عمرو متوفاتك ترکه وافیہ سنی قبض ایدن ورتهسندن عمرو ذمتده قرضدن شو قدر اچقه حقم اولوب حتی عمرو صحتده اقرارینی مشتمل و خط و ختمینی حاوی معنون و مرسوم تمسك دخی ویرمشیدی دیو دعوی و برتمسك ابراز ایتدکده ورته تمسك عمروك ایدیکنی معترفلر ایکن دین مزبوری ویرمامکه قادر اولورلری الجواب : اولمازلر .

*
* *

بینات :

زید فوت اولوب زوجہ سی ہندی وسائر ورثہ سنی ترك ایتدکده سائر ورثہ ہنددن
قبل القسمہ ترکہ دن شو مقولہ شو قدر اچہ قیمتلو شو قدر اشیائی اخذ و اخفا ایلدک
دیو دعوی و ہند انکار ایدوب سائر ورثہ مدعالینہ اقامت بینہ ایدہ ماسہ لر ہندہ یمین
ویردیرمکہ قادر اولورلرمی الجواب : اولورلر .

*
**

ہند زوجی زیددن دسن بنی اوج طلاق ایلہ تطلیق ایتدک ، دیو دعوی وزید انکار
ایدوب ہند مدعا سنہ اقامہ بینہ ایدہ ماسہ زیدہ یمین ویردیرمکہ قادرہ اولورمی الجواب :
اولور .

*
**

دعوی نکاحہ بلا تفسیر سماعہ شہادت مقبولہ اولورمی الجواب : اولور .

*
**

مفقود :

زید موقع حربہ اعدا ایلہ محاربہ ایتدکدنصکرہ مفقود اولوب حیات و مماتی معلوم
اولماسہ زیدک مماتی غالب ظن اولہ جق مرتبہ مدت مرورندنصکرہ موتیلہ حکم اولنق
صحیح اولورمی الجواب : اولور .

بوصورتہ زیدک موتہ حکمک لحوقندنصکرہ زوجہ سی ہند بعد انتضاء العده نفسی
آخرہ تزویج و ورثہ سی دخی ترکہ سنی مسئلہ میراثلری وجہلہ تقسیم ایتمکہ قادر اولورلرمی
الجواب : اولورلر .

*
**

شق :

زید ثوابی متوفی عمروہ اولق اوزرہ دیلدیکی زمان قربان کسوب لحنی و دریسنی
فقراہ تصدق ایتک جائز اولورمی الجواب : اولور .

*
**

زید کندی مالیلہ قربت قصد اولنان بر بقرہ بی برقاج کمنہ ایلہ مشترکا اشترا و کندی

حصه سنی امرنسر بر میت ایچون یوم نخرده اضحیه ایلسه زید اول اضحیه تک لخدمن کندی
یمک و آخره و یرمک جائز اولورمی الجواب : اولور .

*
* *

اون اوچ یاشنده اولان هند بکر بالغه لابوین عمی زیدک منزله ساکنه ایکن هندک
محمودالحال اولان لاب ارقرنداشی عمرو هندی زیددن آلوب کندی منزله ساکنه
قادر اولورمی الجواب : اولور .

*
* *

زید متوفاتک ورته سندن عمرو سائر ورته آخر دیارده بولمغله زیدک تجهیز و تکفینه
ترکه سندن قدر معروف شوقدر اچقه صرف ایلسه سائر ورته کلدکلرنده عمروه مصروفکی
طوتمایزدیمکه قادر اولورلرمی الجواب : اولمازلر .

*
* *

اراضی :

زید برقصه خارجنده یری ارض میری و اطراقده طاش دیوار اولوب اطراقده
برقاج دیب جابجا ملک اشجاری اولان بغچه سنک ایچنده اوتوز دویم مقداری جمله عرصه
بیضا اولوب صپان ایله زراعت اولتور اولسه جالا زید فوت اولوب آنجق اوغلی عمروی
وقزی هندی ترک ایتدکده مزبورلر بر موجب امر سلطانی اول یرک خرج انتقالی
ویروب یالکز اول یری بلابدل سویاً ضبط ایتک اقتضا ایدرکن عمرو مجرد اول صپان
ایله زراعت اولتان خالی یرک اطراقده طاش دیوار و جابجا ملک اشجار اولمغله اول یرک
اوچ حصه دن ایکی حصه سنی بن ضبط ایدرم دیمکه قادر اولورمی الجواب : اولمازلر .

*
* *

زید اراضی امیریهدن طاپو ایله تصرفده اولان ترلای اذن صاحب ارضله عمروه
فراغ ایتدکدنصکره زید فوت اولسه اصحاب انتقالدن اولان ورته واقرباسی اول ترلایه
مداخله یه قادر اولورلرمی الجواب : اولمازلر .

*
* *

زید اراضی* امیریہ دن طاہو ایله تصرفندہ اولان تارلایی عمروہ فراغ ایدوب لکن اذن صاحب ارض بولنمسه فراغ مزبور معتبر اولورمی الجواب : اولماز .

*
*

زید اراضی* امیریہ دن طاہو ایله تصرفندہ اولان تارلایی اذن صاحب ارضله عمروہ فراغ ایتدکدنصکرہ زید فوت اولسه اصحاب انتقالدن اولان ورثہ واقرباسی اول تارلایہ مداخلہ یه قادر اولورلرمی الجواب : اولمازلر .

*
*

زید هندک طاہو ایله تصرفندہ اولان تارلایی یکرمی سنہ تغلباً ضبط ایلسه حالا هند اول تارلایی زیددن طلب ایتدکده زید معترف ایکن مجرد وجه محرر اوزره یکرمی سنہ ضبط ایتمله نم ایچون حق تصرف ثابت اولش اولور دیو ویرمامکه قادر اولورمی الجواب : اولماز .



قوانین و نظامات

قانون اساسینک تعدیل ایدیلن موادی

بدرنجی ماده :

مجلس عمومینک میعادنده آجیلوب قیادلسی کرک وقتدن اول وکرک صورت فوق- العاده اجتماعه دعوتی ، تمديد مدتی ، اوچ آی تجاوز و تکرر ایتماک اوزره تأجیلی و سنه اجتماعیه سی ظرفندہ مدتی اکمال ایلمک اوزره مجلسک معین برزمان ایچون تعطیلی ، اوتوز بشخی ماده موجبجه هیئت مبعوثانک لدی الاقتضا فسخی ، علی العموم معاهدات عقدی حقوق مقدسه پادشاهیدندر .

قروه ادرنجی ماده :

مجلس عمومینک ایکی هیئتی بهر سنه تشرین ثانی ابتداسنده و تأجیل وقوعبولش ایسه مدت تأجیلیه نك اقتضاسنده بلا دعوة اجتماع ایدر و بااراده سنه کشاد ایدیلیر . مدت اجتماع درت آیدر . وبو مدتک ختامنده ...